

**Arkiv:** <arkivID><jplID> FA-K20  
**JournalpostID:**  
**Sakshandsamar:**  
**Dato:** 03.03.2021

Saksframlegg

Saksnr.	Utval	Møtedato
031/21	Utval for næringutvikling og drift	10.03.2021
026/21	Alver formannskap	11.03.2021
	Alver kommunestyre	

### **Medlemskap Klimapartner Vestland**

#### **Rådmannen sitt framlegg til vedtak:**

Kommunestyret i Alver kommune vedtar å søke om medlemskap i Klimapartner Vestland.

Finansiering av partnerskapsavgift på kr 50.000 blir dekket av næringsfondet i 2021. Kostnader for 2022 blir arbeidd inn i budsjettet i samband med økonomiplanprosessen 2022 – 2025.

Kostnader knytt til miljøsertifisering av kommunen må vurderast i samband med økonomiplanprosessen 2022 – 2025.

#### **Utval for næringutvikling og drift 10.03.2021:**

##### **Handsaming:**

Utvalsleiar Stian Lavik-KRF sette fram følgjande framlegg:

*I tråd med politisk styringsstruktur er det Utval for næringsutvikling og drift som tildeler midlar frå næringsfondet, og vil derfor vedta følgjande:*

*Utval for næringsutvikling og drift støttar rådmannen sitt framlegg til vedtak, og vedtar å bruka NOK 50 000,- frå næringsfondet til medlemskap i 2021, under føresetnad av at kommunestyret vedtar å søkja om medlemskap.*

*Vidare ber utvalet formannskapet om å fremja følgjande innstilling til kommunestyret:*

*“Kommunestyret i Alver kommune vedtar å søke om medlemskap i Klimapartner Vestland.*

*Finansiering av partnerskapsavgift på kr 50.000 blir dekket av næringsfondet i 2021, i tråd med vedtak i Utval for næringsutvikling og drift 10.03.2021. Kostnader for 2022 blir arbeidd inn i budsjettet i samband med økonomiplanprosessen 2022 – 2025.*

*Kostnader knytt til miljøsertifisering av kommunen må vurderast i samband med økonomiplanprosessen 2022 – 2025.”*

Det vart røysta alternativt.

Rådmannen sitt framlegg fekk 0 røyster og fall.

Framlegget frå utvalsleiaren fekk 5 røyster og vart vedteke mot 2 røyster.

Følgjande røysta for: Stian Lavik-KRF, Tormod Skurtveit-AP, Maya Greve-MDG, Øyvind Bratshaug-H, Liv Hopland van der Kooij-SP.

Følgjande røysta mot: Mabel Johansen-H, Ynge Walaker-UAVH.

#### **ND- 031/21 Vedtak:**

I tråd med politisk styringsstruktur er det Utval for næringsutvikling og drift som tildeler midlar frå næringsfondet, og vil derfor vedta følgjande:

Utval for næringsutvikling og drift støttar rådmannen sitt framlegg til vedtak, og vedtar å bruka NOK 50 000,-

frå næringsfondet til medlemskap i 2021, under føresetnad av at kommunestyret vedtar å søkja om medlemskap.

Vidare ber utvalet formannskapet om å fremja følgjande innstilling til kommunestyret:

“Kommunestyret i Alver kommune vedtar å søke om medlemskap i Klimapartner Vestland.

Finansiering av partnerskapsavgift på kr 50.000 blir dekket av næringsfondet i 2021, i tråd med vedtak i Utval for næringsutvikling og drift 10.03.2021. Kostnader for 2022 blir arbeidd inn i budsjettet i samband med økonomiplanprosessen 2022 – 2025.

Kostnader knytt til miljøsertifisering av kommunen må vurderast i samband med økonomiplanprosessen 2022 – 2025.”

### **Politisk handsaming**

Saka skal til uttale i utval for næringsutvikling og drift 10. mars

Saka skal til avgjerd i kommunestyret 25. mars

### **Saksopplysningar**

#### **Bakgrunn – kva saka gjeld**

Denne saka gjeld medlemskap i Klimapartner Vestland.

I kommunestyremøte 14.05.2020 hadde Alver kommunestyre ei sak om medlemskap i Klimapartner Vestland (Sak 039/20). Kommunestyret vedtok følgjande:

- Saka vert utsett til partnerskapsavtalen vert framlagt til politisk handsaming. Samt KO ber om sak til politisk drøfting om kven som deltek som samarbeidspartnarar i vidare arbeid.

Som ei oppfølging av sak 039/20 blei det lagt fram eit orienteringsnotat til kommunestyremøtet 18. februar 2021. Med bakgrunn i dette blir sak om medlemskap i Klimapartner Vestland lagt fram for ny politisk handsaming.

#### **Om Klimapartner:**

Klimapartnerne ([www.klimapartner.no](http://www.klimapartner.no)) er eit offentleg-privat samarbeid som formidlar klimakunnskap, utviklar og fremjar grønne forretningsidear, skaper møteplassar for klimadebatt, og samhandlar regionalt, nasjonalt og internasjonalt. Medlemmar i Klimapartner jobbar for å redusere eigne klimagassutslepp og for å fremje grøn samfunns- og næringsutvikling. Klimapartner samlar private bedrifter, akademia, organisasjonar og sentrale offentlege aktørar i eit fellesskap for å nå definerte klimamål.

#### **Innhald i partnerskapsavtale med Klimapartner Vestland**

Klimapartner Vestland har ein standard partnerskapsavtale som gjeld for alle medlemmar. Avtalen er bygd opp på følgjande måte:

#### **Mål:**

Redusere klimagassutslepp og stimulere til grøn samfunns- og næringsutvikling i Vestland

#### **Klimapartner er eit offentleg-privat samarbeid som:**

- Formidlar klimakunnskap
- Utviklar og fremjar grønne forretningsidear
- Skapa møteplassar for klimadebatt
- Samhandlar regionalt, nasjonalt og internasjonalt.

#### **Klimapartner Vestland vil arbeide aktivt for å støtte partnarar og overordna målsetting, ved å**

- Skape ein arena for offentleg-privat nettverksbygging og vere ei plattform for utøving av samfunnsansvar.
- Bidra til grøn forretningsutvikling.
- Hjelpa til med produksjon og formidling av kunnskap om tema som er interessante for partnarane.

- Produsere årleg samla klimaregnskap i samarbeid med partnarane.
- Gje råd om miljøsertifisering og utarbeiding av klimafotavtrykk.

**Som Klimapartner vil verksemda arbeide for å støtte Klimapartnerane sine overordna målsettingar, mellom anna gjennom følgjande aktivitetar:**

- Utarbeide ein årleg oversikt over eigne utslepp av klimagassar, samt lage planar og gjere tiltak for å redusere desse.
- Jobbe med miljøstyring og/eller miljøsertifisering av eige verksemd.
- Delta på partnararrangement med representant(ar) frå leiinga der dette er relevant.
- Ha fokus på tiltak i eige verksemd, samt utvikle varer og tenester som bidreg til reduksjon av klimagassutslepp.
- Betale årleg partnerskapsavgift på kr. 50 000.

**Klimarekneskap**

Medlemmar i Klimapartner Vestland må ha eit eige system for miljøstyring og utarbeide klimarekneskap. Målet med klimarekneskap er å gje kommunen eit klart bilde på eigne klimagassutslepp, og ut frå dette lettare kunne definera tiltak for å redusere kommunen sine CO<sub>2</sub>-utslepp. Ved hjelp av klimarekneskapsmodulen kan ein enklare identifisere, prioritere og spore energireducerande tiltak.

**Tre anbefalte steg i eiga miljøstyring:**

1. Måle eigne utslepp
2. Redusere klimautsleppa så mykje som mogleg ved eigne tiltak
3. Vurdere å nøytralisere gjenverande utslepp ved å kjøpe klimakvoter.

GHG-protokollen er det mest brukte verktøyet innan utrekning av klimagassutslepp, og utgjorde grunnlaget for ISO 14064-I-standarden (2006). Protokollen er eit resultat av eit samarbeid mellom næringsliv, styresmakter og miljøørsla. Rapportering er i tråd med protokollen medfører at klimarekneskapet delast inn i tre nivå (scopes), som består av direkte og indirekte utsleppskjelder:

**Scope 1:**

Obligatorisk rapportering om inkluderer alle utsleppskjelder knytt til driftsmidlar der kommunen har operasjonell kontroll. Dette inkluderer alle bruk av fossilt brensel for stasjonær bruk eller transportbehov.

**Scope 2:**

Obligatorisk rapportering av indirekte utslepp knytt til innkjøpt energi, elektrisitet og fjernvarme og kjøling. Her blir det totale energibehovet i arealet kommunen brukar inkludert.

**Scope 3:**

Frivillig rapportering av indirekte utslepp knytt til innkjøpte varer og tenester. Dette er utslepp som indirekte kan knytast til kommunens aktivitetar, men som skjer utanfor eigen kontroll (flyreiser, avfall, logistikk/transport av varer, forbruk av ulike råstoff osv).

**Kostnader og krav til medlemskap**

Det er ein årleg partnerskapsavgift for Klimapartner på kr. 50 000. Medlemskap i Klimapartner krev også miljøsertifisering av kommunen på sikt, for eksempel gjennom Miljøfyrtårnet eller ISO 14001. Det er ingen krav til tidspunkt for miljøsertifisering, men det er ei forventning at medlemmane gjennomfører dette. Alver kommune er allereie partnarkommune for Miljøfyrtårn. Det vil seie at kommunen kan skrive ut diplom til bedrifter som blir miljøsertifisert som Miljøfyrtårnbedrift, men Alver er ikkje sertifisert som eigen Miljøfyrtårnkommune der ein fører klimarekneskap for eigne, kommunale verksemd.

Kostnader for å bli sertifisert som Miljøfyrtårn for eigne verksemd i kommunen er definert gjennom tal årsverk. For ei verksemd på Alver kommune sin storleik vil kostnad med sertifisering vere kr 129.500. i tillegg kjem årleg servicekostand på kr 86.400. Det er også knytt kostnader til intern opplæring.

## Vurdering

Gjennom arbeidet med kommuneplanen sin samfunnsdel og andre relevante planar skal Alver kommune legge ambisjonsnivået for klima- og miljøarbeidet. Som eit utgangspunkt for det overordna plan- og strategiarbeidet har kommunen lagt til grunn FN sine berekraftsmål. I tillegg er region Nordhordland definert som eit UNESCO biosfæreområde. Deltaking og medlemskap i Klimapartner Vestland vil bygge opp under dei prinsippa som ligg i FN sine berekraftsmål for ei berekraftig samfunns- og næringsutvikling. Klimapartner har ein aktiv avdeling i Vestland og tilbyr aktuelle arrangement, møter og forum. Dei jobbar aktivt med nettverksbygging og engasjerer seg i møter mellom kommune og næringsliv.

Medlemskap i Klimapartner kan vere eit positivt verkemiddel for å fremja kommunen som sitt arbeid med ein aktiv klimapolitikk. Vidare kan medlemskap auka samarbeid mellom andre kommunar og verksemder med felles mål om betre og meir bevisst miljøpolitikk. Medlemskap kan også tenkast å vere eit positivt verkemiddel i konkurranse om å søke på klimamidlar. Andre kommunar i Vestland som har medlemskap hos Klimapartner er mellom anna Bergen, Bjørnafjorden, Samnanger, Stord og Vestland fylkeskommune.

Rådmannen rår til at Alver kommune blir medlem i Klimapartner Vestland. Kostnader til partnerskapsavgift på kr 50.000 blir i 2021 henta frå næringsfondet, det er ikkje sett av midlar i driftsbudsjettet til medlemskapet. Finansiering av medlemskap i 2022 og åra framover blir vurdert i samband med økonomiplanprosessen 2022 – 2025. Kostnader til miljøsertifisering må vurderast i samband med økonomiplanprosess 2022 – 2025.